

O GOVEDARIS THAGAR

Isine akana ekh sar govedaris, ama sine sar thagar. Sar thagar sine. Ya, ma chorilo thay achhilo govedaris. Isi les duy raklore.

Khay charaala peske e govedan ekh zhut. Nali zhansa, so si zhut? Evrey. Nakhla ekhe taligasa biknela shisheta, khore, gyuvecha biknela. Geli i dasni te dikhel e khore. Chordyas i dasnya. O evreys thovla la ekhe mohteste, phandyas, nashtyas. Ya, ma avla lengo dat, rodela i romnya, ama nashti arakhel la.

– Kat si ti day, ba?

– A be, dade! Alo kwtka ekh zhut. Biknelas khore. Geli pash les te kinel khoro – phenla – thay izcheznindyas. Karig geli? Nazhenav!

Ayde te mukas o zhutes. Akasna lengo dat ka zhal avere dizate. Vikinena les te achhyol thagar. Zhala te achhyol thagar othe. Khay tsidindyas e raklentsa. Gele la len. Ya, ma isi ekh bari len, ekh bari prut. Khay lengo dat astardyas o tsiknes kate vast, o baro palal. Nakhna andi prut i polo o raklo andi pani. Dode irinel pes, li okova pelo ki pani. Achhilo o dat korkoro. Dobre, ama ko swshto momenti isi ekh ribarya. Thay astardyas o chhaves, inkaldyas les. A okoles ekh baro machho gwltindyas. Sar dzhalas astardya li okoles, o bare machhes. Inkaldya li o chhaves. Okova, o ribaris phenla:

– Man taman nanay chhavo! Ka lav les mange!

– Mi, le les!

Li okova... Okova pala na dzhanla, chi astarde e chhaven. Pharavdyas o machhes, op – nnkaldyas o chhaves avri.

– A-a-a! Dikh o chhavo ando machho! Inkalav kaka chhaves mange. Taman nanay man chhavo!

Ule komshis. Akana e duy phrala bistardya pes. Ov dzhanela, chi okova tasilo. Okova gelela andi pani. Gele peske. A borka veche barile, ama o dat achhilo ekhe dizate thagar. Ama ov na dzhanla kate e racle pre-pele. Ov dzhanla, chi e chhave tasile.

Akana ekh rat o dzhut prepolo ko dadeskero diz. Gelo ko thagareskeri porta, mangela te sovel.

Akana kala duy chhave gele voynikya.

– Mangava – phenla o dzhut – duy voynikya te arakhyon kiya rat o mohto. Beekh dzhono te na karel belya.